

videant opera vestra^a bona et glorificent patrem nostrum^b, qui in caelis est. Tempus 796
itaque huius laboris^c brevissimum^d, remunerationis aeternitas longissima. Quid beatius^{post Apr. 18.}
est, quam de hac presenti miseria ad eternam transire felicitatem. Adtendite diligenter,
ut patria, quam Dei dono nostri acceperunt parentes, benedictione caelesti nostris
5 servetur nepotibus. Multiplicatio gregis merces est pastoris, et salus populi laus
sacerdotis. Omnis prohibeatur intemperantia et iniustitia, omnis^e honestas et sobrietas
doceatur; ut in omni conversatione vitae honorificetur deus Christus, et benedicta gratia
illius custodiat vos ubique in laudem et in gloriam sancti sui nominis in aeternum.

Hec ut nostra credatis, nostro sigillo subter sigillavimus.

10 Benedictio Dei patris in gratia et caritate Christi et consolatione sancti Spiritus
vos comitetur et in omni bonitate custodiat, domini sanctissimi et summo honore dig-
nissimi patres, nostri memores in aeternum. Valete.

105.

*Alcvinus Edilthrudam abbatissam, quondam reginam, de filii Aethilredi Northan-
humbrorum regis nece consolatur.* 796 post Apr. 18.

15 *Cod. S fol. 173—174.*

Edd. F 151, J 62. — Migne col. 473.

DILECTISSIMAE IN CHRISTO MATRI EDILTHRUDAE¹ HUMILIS LEVITA ALCHVINUS SALUTEM.

Quia^a praesentialiter verbis vestram dulcissimam dilectionem ob longitudinem
habitationis nostrae ammonere nequeo, ideo litterarum officio implere non cesso, quae
20 linguae ministratione denegatur; desiderans toto cordis mei affectu^b te ubique, caris-
sima mater, in omni proficere bono; ut digna efficiaris in eorum censeri numero, de
quibus in evangelio dominus noster Iesus Christus respondit: 'Omnis, qui fecerit volun-
tatem patris mei, qui in caelis est, ipse mihi mater et frater'. Quomodo mater, nisi
sancta caritate in visceribus cordis perfecti cottidie generatur²? Ecce qualem filium
25 poterit pia mater habere, eundem ipsum Deum regem ac redemptorem etiam et in
omnibus tribulationibus consolatorem.

Multae sunt tribulationes iustorum, sed maiores sunt consolationes Christi. In Ps. 33, 20.
quo debet homo saecularis miseriae eventu^c contristari? qui fontem totius consolationis,
id est Christum, habitatorem possidet^d in pectore. Immo magis gaudendum est in
30 tribulationibus propter spem aeternae beatitudinis; dicente apostolo: 'Per multas Act. 14, 21.
tribulationes oportet nos intrare in regnum Dei', item: 'Flagellat Deus omnem filium, Hebr. 12, 6.
quem recipit'. Item de apostolis legitur: 'Ibant autem gaudentes apostoli a conspectu Act. 5,
concilii, quoniam digni habiti sunt pro nomine Iesu contumeliam pati'.

Sciat dilectio tua, quia filius tuus spiritalis, dominus Iesus non est mortalis.
35 Vivit, vivit et in dextera Dei patris vivit et regnat.

Ideo de carnalis filii³ morte non contristeris, immo magis nec de sui^e corporis
abscessu^f; sed labora omnibus horis et momentis, ut anima feliciter vivat cum Christo.

a) vestrae corr. recens manus in vestra A 1; vestra A 1*. b) vestrum A 1*. c) cum sit super-
scripsit manus recens in A 1; cum sit A 1*. d) et add. A 1*. e) omnes corr. recens manus in omnis
40 A 1; omnis A 1*.

105. a) Quae S. b) affectum S. c) evento S. d) possedet S. e) tui S. f) abscessu
scripsit J. pro abso S.

1) De qua v. ep. 79 supra p. 120 n. 1. 2) Christus. 3) Aethilredi regis Northanhumborum
die 18. Apr. 796 occisi.